

## **Plani Strategjik 2022 - 2027**

**i**

### **Akademisë "Evolucion"**

*Prishtinë 2022*

## **Përmbajtja**

1. Misioni dhe objektivat e Akademisë “Evolution” .....	3
1.1 Misioni .....	3
1.2 Objektivat.....	3
2. Strategjia për arritjen e misionit dhe objektivave të Akademisë “Evolution” .....	4
A. Programet e studimit .....	4
B. Stafi akademik dhe administrativ.....	6
C. Studentët .....	7
D. Përshtatja ndaj ndryshimeve .....	8
E. Bashkëpunimi dhe ndërveprimi .....	9
F. Përgjegjësia sociale.....	11

## 1. Misioni publik dhe objektivat institucionale

### 1.1 Misioni

Akademia "Evolucion" ju mundëson studentëve tanë të zhvillohen dhe të bëhen profesionistë të suksesshëm dhe pjesëtarë aktivë e të dobishëm për komunitetin, përmes një procesi efikas të mësimdhënies, ushtrimeve praktike dhe projekteve hulumtuese e kreative në lëminë e arteve të aplikuara dhe dizajnit.

Akademia "Evolucion" ndihmon studentët jo vetëm në avancimin e artit por edhe krijimtarisë njerëzore, si dhe formimin e një komuniteti lider të artistëve dhe profesionistëve.

Këtë synim e arrijmë përmes zbatimit të teknikave dhe të metodologjive bashkëkohore të mësimdhënies si dhe komunikimit interaktiv midis studentëve, stafit të Akademisë "Evolucion", bizneseve si dhe akterëve të tjerë të jashtëm.

### 1.2 Objektivat

Objektivat kryesore të Akademisë "Evolucion" janë:

- Të afirmohet si institucion i vlerësuar i arsimit të lartë në Kosovë dhe më gjerë, i njohur për zhvillimin dhe avancimin e ideve të reja krijuese, ideve shkencore dhe arsimit të gjithmbarshëm;
- Të zhvillojë dhe të zgjerojë vazhdimisht veprimtarinë e vet mësimore në përputhje me standardet bashkëkohore në fushën e arsimit të lartë profesional;
- Të arrijë nivel sa më të lartë profesional të arsimit të specialistëve në fushën e artit aplikativ, dizajnit, shkencës dhe kulturës nëpërmjet të një procesi të gjithanshëm të mësimdhënies, hulumtimeve, aktiviteteve artistike dhe projekteve kreative;
- T'i ofrojë tregut vendor dhe të rajonit profesionistë të kualifikuar në fushën e arteve të aplikuara dhe dizajnit në pajtim me zhvillimet ekonomike, si dhe industriale në rajonale dhe më gjerë;
- Të ushtrojë veprimtari komerciale në lëminë e arteve të aplikuara dhe dizajnit;
- Të ndihmojë në avancimin dhe forcimin e pozitës së vajzave dhe grave në shoqëri;
- Të forcojë vetëdijen e përgjegjësisë sociale të stafit dhe studentëve dhe të vazhdojë të jetë kontribues i rëndësishëm në aktivitetet me interes të komunitetit.
- Të jetë një zë i fuqishëm në mbrojtje të kauzave, dukurive dhe grupeve të marginalizuara etj..

## **2. Strategjia për arritjen e misionit dhe objektivave të Akademisë “Evolucion”**

Akademia "Evolucion" ka përcaktuar strategjinë e vet për arritjen e misionit dhe objektivave të saj. Strategjia është aprovuar nga Bordi Drejtues në bashkëpunim me menaxhmentin dhe udhëheqësit e departamenteve të Akademisë. Ajo rishikohet dhe përditësohet periodikisht në pajtim me ndryshimet e vazhdueshme në vend dhe jasht.

Strategjia e zhvillimit të Akademisë “Evolucion” është e përqendruar në pikat/lëmitë e paraqitura në vijim:

- A) Programet e studimit;
- B) Stafi akademik dhe administrativ;
- C) Studentët;
- D) Monitorimi i ndryshimeve; dhe
- E) Bashkëpunimi dhe ndërveprimi.
- F) Përgjegjësia sociale

Secila pikë/lëmi konsiston në objektiva specifike dhe pika të veprimit për arritjen e tyre.

### **A. Programet e studimit**

Në të gjitha departamentet tona, ne ofrojmë mundësi për studentët tanë që, përveç marrjes së njohurive teorike-kritike për dizajnin dhe artet e aplikuara, të fitojnë aftësitë e nevojshme dhe përvojën e vlefshme për t'u formuar si profesionistë të pavarur, të gatshëm për t'iu përshtatur gjithnjë e më shumë kërkesave dhe dinamikës të tregut.

#### ***A.1 Forcimi i programeve ekzistuese dhe zhvillimi i programeve të reja, me qëllim të përmbushjes së nevojave të komunitetit dhe biznesit***

1. Investimi i burimeve financiare dhe njerëzore për të forcuar dhe mbështetur programet aktuale;
2. Zhvillimi dhe kryerja e hulumtimeve/anketave për të identifikuar dëshirat dhe nevojat e komunitetit dhe të biznesit. Zhvillohen hulumtime/anketime të veçanta për banorët e komunitetit dhe sektorin e biznesit.
3. Zhvillimi i partneritetit me institucionet relevante (Ministria e Punës dhe Mirëqenies Sociale, Ministria e Tregtisë dhe Industrisë, Dhomat e Tregtisë, OJQ-të etj.) për të hulumtuar trendet e punësimit në zhvillimin e ekonomisë së vendit.
4. Mbajtja e pozicionit të institucionit konkurrues në mjedisin e arsimit dhe përgatitja e studentëve për t'u bërë edhe ata profesionistë konkurrues në tregun e punës, duke inkorporuar arritjet e teknologjisë aktuale në programet tona.

A.2 Zhvillimi i programeve dhe rekrutimi i studentëve, që i përgjigjen drejtpërdrejt trendeve aktuale dhe atyre të

parashikuara të tregut

1. Shtimi i rekrutimit/regjistrimit të studentëve, sidomos për lëmitë e pashërbyera, të identifikuar në hulumtimet e tregut;
2. Trajnimi i personelit përkatës të Akademia "Evolucion" për të komunikuar informacionet rreth programeve të Akademisë "Evolucion", për t'i tregtuar ato në komunitet dhe për të promovuar mundësitë e partneritetit.
3. Përfshirja e departamenteve dhe personelit përkatës në aktivitetet promovuese në shkollat e mesme, për të punuar me nxënësit, personelin përgjegjës shkollor dhe për të prezantuar programet e Akademia "Evolucion" prindërve;
4. Të vazhdohet me programet e koordinuara të marketingut në shkollat e mesme;
5. Rritja e numrit dhe mbështetjes për aktivitetet dhe grupet e interesit të studentëve;
6. Krijimi i kurseve përgatitore, që mund të shërbejnë si një orientim në kurset e kredituara për studentët;
7. Të shtohen programe/kurse të reja në nivel certifikimi dhe të gradave (diplomave) përkatëse;
8. Të vazhdojnë kërkimet/hulumtimet e trendeve demografike dhe tendencave ekonomike;
9. Zhvillimi dhe promovimi një broshurë akademike me pamje profesionale, që paraqet dhe shpjegon programet aktuale dhe rrugët e karrierës së studentëve;

## **B. Staf i akademik dhe administrativ**

Akademia e Evolucionit do të investojë vazhdimisht në pasurimin e departamenteve me staf akademik kompetent dhe profesional. Akademia "Evolucion" synon të gjejë kombinimin më të mirë të mësimdhënësve me përvojë dhe biografi të pasur me aktivitete, projekte artistike dhe krijuese, specialistë të provuar në këto fusha si dhe ligjërues të rinj, të arsimuar në vend dhe jashtë vendit, të cilët sjellin njohuri dhe përvoja të reja të institucioneve në të cilat ata formohen.

Përsosmëria në shërbimet profesionale, që mbështesin stafin akademik dhe studentët është një parakusht i domosdoshëm për suksesin e tyre. Staf i profesional, i aftë teknikisht dhe i përkushtuar personalisht në arsim dhe hulumtim dhe i mbështetur në vlerat institucionale të Akademia "Evolucion", është thelbësor për punën tonë.

### ***B.1 Sigurimi i mundësive të reja për zhvillimin e stafit akademik dhe administrativ për të mbështetur një atmosferë të ekselencës në mësimdhënie dhe në shërbimet mbështetëse të studentëve***

1. Të gjenden burime shtesë financiare për të mbështetur pjesëmarrjen stafit akademik dhe administrativ në seminare / punëtori / konferenca, në kuadër të ekspertizës dhe fushëveprimit të tyre;
2. Organizimi i punëtorive në mësimdhënie në klasë dhe në strategjitë e mësimi. Punëtoritë mund të ofrohen nga ekspertë të jashtëm ose nga ligjërues dhe ekspertë të stafit të Akademia "Evolucion";
3. Zhvillimi i programeve të reja të përqendruara në mësimdhënie dhe mësim. Të bashkëpunohet me universitetet

dhe kolegjet e tjera për të zhvilluar takime disiplinore dhe aktivitete të tjera të përbashkëta;

4. Mbështetja e aktiviteteve ekzistuese dhe zhvillimi i atyre të reja si dhe mbështetja e zhvillimit profesional të fokusuar në mbështetjen e studentëve. Të bashkëpunohet me universitetet dhe kolegjet e tjera për të zhvilluar takime të gjera të mbështetjes së studentëve si aktivitete të zhvillimit profesional;

5. Inkurajimi dhe vazhdimi i mbështetjes së stafit akademik në zhvillimin dhe qëllimet e tyre arsimore, si financiarisht ashtu edhe me orar fleksibil;

6. Mbështetja e programeve të personelit mësimor dhe administrativ, që iu ndihmojnë atyre në përmbushjen e qëllimeve të Akademisë;

### **C.Studentët**

Në institucionin tonë, studentët kanë mundësinë për të arritur qëllimet e tyre arsimore, duke iu ofruar mësim cilësor në përgjithësi, edukim në karrierë dhe shkathtësitë themelore si dhe aktivitete që nxisin zhvillimin e tyre personal dhe suksesin akademik. Ne i japim përparësi të lartë marrëdhënieve mbështetëse të mësimdhënies dhe mësimnxënies të mësimdhënësve / stafit administrativ me studentët, shërbimeve mbështetëse të përgjegjshme dhe mjedisit kurrikular që kontribuon në rritjen personale dhe suksesin e studentëve.

#### ***C.1 Përmirësimi i suksesit, mbajtjes ("retention"), këmbënguljes ("persistence") dhe shkallës së transferimit ("transfer rate") të studentëve***

1. Të vlerësohet vazhdimisht efektiviteti i programeve tona, duke përfshirë pengesat për suksesin, mbajtjen, shkallën e transferimit dhe këmbënguljen e studentëve;
2. Të zhvillohen mënyrat për të ndërlidhur stafin akademik, stafin administrativ dhe grupet e studentëve për të punuar si pjesë e një ekipi mbështetës të studentëve për studentët në nevojë;
3. Të zhvillohet një sistem i komunikimit me të gjithë ata studentë që kalojnë testet e pranimit, por nuk regjistrohen;
4. Të zhvillohet strategjia për të rritur gjasat e regjistrimit nga një semestër/vit në tjetrin;
5. Përforcimi dhe promovimi i imazhit të Akademia "Evolucion" si një institucion i transferimit të suksesshëm;
6. Krijimi i mundësive përmes të cilave, studentët mund të lëvizin përmes programeve të transferimit në kohën e duhur;
7. Shtimi i përdorimit të mediave elektronike për të komunikuar me studentët e mundshëm të transferimit.
8. Të zhvillohen programet e praktikës profesionale dhe mentorimit për studentët tanë;
9. Të krijohet shërbimi për ndihmë në punësim;
10. Të zhvillohen shtigjet e karrierës për studentët;

### ***C.2 Ndërtimi i një mjedisi edukativ që nxit pasionin për arsimin, udhëheqjen dhe aftësitë personale, të nevojshme për angazhim / pjesëmarrjen qytetare***

1. Të zhvillohen kurse akademike rigoroze me strukturë të tillë që mbështesin studentët e nën-përgatitur p.sh. grupet e studimit dhe përkrahja nga studentët kolegë;
2. Të ofrohen mundësitë për studentët që të zhvillojnë marrëdhënie akademike me ligjëruesit edhe jashtë procesit mësimor obligativ;
3. Krijimi i një mjedisi me plot aktivitete dhe i mbushur me ide dhe debate;
4. Të ofrohet mbështetje për klubet e studentëve;
5. Të krijohen hapësira fizike në kampus për përdorim ekskluziv të studentëve;
6. Zhvillimi i një zyre pranimi dhe regjistrimi miqësore dhe të arritshme (qasshme);
7. Ofimi i këshillimeve të shpeshta për fushat e caktuara të studimit ose karrierës;
8. Ofrimi i mundësive për studentët për bashkëveprim me kolegët/et me prejardhje ("background") të ndryshme;
9. Krijimi i mundësive për studentët që të angazhohen në mësimin e shërbimit ("service learning");
10. Sigurimi i financimit nga jashtë (granteve) për aktivitete dhe programe për angazhimin e studentëve dhe për promovimin e diversitetit.

### **D.Përshtatja ndaj ndryshimeve**

Akademia "Evolucion" vazhdimisht monitoron zhvillimet, trendet dhe kërkesat e tregut në fushat e mbuluara nga programet tona. Këto ndryshime ndiqen përmes pjesëmarrjes aktive në këto ngjarje dhe ato merren parasysh dhe reflektohen në programet tona dhe aktivitetet e tjera mësimore (siç janë projektet e artit, pjesëmarrja në gara, ekspozita, etj.).

#### ***A.1 Të gjitha vendimet për programet dhe kurrikulat bazohen në strategjitë udhëhequra nga të dhënat***

1. Të përdoren të dhënat për të bërë ndryshime në programe, kurrikula, orare dheshërbime studentore, duke përfshirë një analizë të përfitimeve të kostos;
2. Të analizohen ndryshimet në preferencat dhe qëndrimet e studentëve si dhe ndryshimet sociale, ekonomike dhe teknologjike në tregun e synuar;
3. Të identifikohen grupet e studentëve dhe të përcillet progresi i tyre në institucion dhe më pas. Të përdoren të dhënat e progresit të studentëve dhe të përfundimit të studimeve në procesin e rishikimit të programeve;

4. Të zhvillohet partneritetet me entitetet e tjera për të mbledhur të dhëna kyçe për nevojat dhe tendencat potenciale të studentëve;
5. Të kërkohen në mënyrë aktive segmentet e tregut si rezultat i analizës së konkurrentëve dhe hulumtimeve të vazhdueshme.

## **B. Bashkëpunimi dhe ndërveprimi**

*(me institucionet arsimore, bizneset dhe individët krijues)*

Akademia "Evolucion" komunikon dhe bashkëpunon me institucionet arsimore brenda dhe jashtë vendit duke përfituar nga shkëmbimi i ideve dhe informacioneve rreth zhvillimeve më të fundit në fushat përkatëse të studimit. Ne do të sigurojmë që organizatat që kërkojnë të bashkëpunojnë me Akademia "Evolucion" kanë një pikë të vetme të kontaktit, duke mundësuar lidhje të shpejtë dhe efektive dhe me rritje të gjasave të bashkëpunimit me to.

Përveç mësimin në mjediset e shkollës, Akademia "Evolucion" u siguron studentëve dhe personelit mësimdhënës qasje të drejtpërdrejtë në kompani të specializuara në fushat përkatëse të kërkimit dhe në projekte komerciale. Në këtë mënyrë, studentët tanë kanë mundësi të aplikojnë njohuritë dhe aftësitë e tyre dhe t'i përsosin ato.

*Bashkëpunimi me individët krijues - rrjeti kreativ - Akademia "Evolucion" është i hapur për komunikim dhe bashkëpunim me individë krijues nga brenda dhe jashtë vendit. Për këtë qëllim, Akademia "Evolucion" ka krijuar një rrjet krijues "Evolart", përmes të cilit, ftohen ligjërues mysafirë nga vendi dhe jashtë vendit. Temat e ligjëratave organizohen për studentët dhe ligjëruesit e shkollës, pas së cilave vazhdon debati i hapur mbi temat aktuale*

### ***E.1 Zhvillimi dhe forcimi i marrëdhënieve bashkëpunuese dhe partneriteteve me institucionet arsimore brenda dhe jashtë vendit***

1. Të vlerësohen partneritetet ekzistuese dhe në bazë të tyre të përcaktohet se si mund të përmirësohen programet;
2. Të krijohen partneritete që pasqyrojnë nevojat e ekonomisë aktuale dhe të lëmisë së shërbimit;
3. Të inkurajohen kontaktet e vazhdueshme me shkollat e mesme për identifikimin dhe zhvillimin e kompetencave të kërkuara për suksesin e studentëve në Akademia "Evolucion";
4. Harmonizimi dhe përshtatja e kurrikulave të Akademia "Evolucion", zhvillimi i vlerësimeve të përbashkëta dhe zhvillimi i programeve për të rritur ndërgjegjësimin e studentëve rreth karrierës së tyre dhe mundësive akademike të disponueshme në Akademia "Evolucion";
5. Rritja e aftësisë për informim dhe komunikim në mes të stafit mësimdhënës të Akademia "Evolucion" dhe atij të shkollave të mesme

### ***E.2 Të mbështeten dhe të forcohen programet ekzistuese në dialog me biznesin dhe industrinë. Përmes kërkimit dhe ndërveprimit të qëndrueshëm me komunitetin e biznesit, të gjurmohen programe dhe kurse të***



***reja, që pasqyrojnë nevojat dinamike profesionale dhe specifike të tregut lokal dhe rajonal***

1. Të ndërtohen dhe mbahen marrëdhënieve me Odat e Tregtisë dhe Departamentet e Zhvillimit Ekonomik të institucioneve lokale dhe qeverisë qendrore;
2. Të zhvillohen i partneritete me industrinë lokale;
3. Të zhvillohet partneriteti me industrinë për praktikën profesionale dhe për punësim të studentëve.
4. Të zhvillohen programet e përshpejtuara dhe fleksibël, për të përmbushur nevojat e komunitetit të fuqisë punëtore;
5. Të zhvillohet dhe mbahet partneriteti me korporatat dhe organizatat tjera shoqërore për të identifikuar nevojat arsimore aktuale dhe ato në zhvillim dhe mundësitë e trajnimit;